



# Ukushitisha kwa Bantu elyo no Kusunga mu Busha

Ukushitisha kwa bantu elyo no kusunga mu busha milandu iyakakata nganshi mu calo ca Australia.

Ukushitisha kwa bantu elyo no kusunga mu busha fyalikanishiwa namafunde ya calo.

Umuntu uwasangwa neyi milandu kuti akakwa, abe mwanakashi nangu umwaume.

Ngacakuti imwe nangu umuntu umbi untu mwaishiba ali mu busanso tumineni ba kapokola pali **000**.

Ba Kapokola mu calo ca Australia bantu abasuma kabili abacetekelwa.

Ngacakuti mulefwaya uwakumipilibwilako icitundu tumeni pa **131 450**.

## Ubuteko bwa calo ca Australia tabusuminisha ukushitisha kwa bantu elyo no kusunga mu busha mumusango uuli onse.

Ukushitisha abantu no kusunga mu busha kucitika ilyo abantu bapatikishiwa ukwingila mu fintu ifyakubonawila ubwikalo pakuti umuntu umbi akwatilemo ubunonshi. Ici kuti cacitika ku baume, abanakashi nangu abana banono. Ukushitisha kwa bantu elyo no kusunga mu busha kuti mwasangwa ifintu ifi:

- Ubusha, ukubombela umuntu umbi nangu ukupatikishiwa ukubomba mu twampani pamo nga utwakupokelela abeni, ukukuula, ukubyala ifimiti, ukwimba amabwe, nangu mu bulimi, pamo fye no bwampano bwa mufyupo;
- ubusha bwa nkongole;
- ukubomfiwa mukulungana no muntu;
- ifyupo fyakupatikishiwa; nangu
- ukushitisha umuntu pakuti bengafumyako ifilundwa fimo ifya mubili.

## Ukushitisha kwa bantu elyo no kusunga mu busha milandu iyafisama,

Ukushitisha kwa bantu elyo no kusunga mu busha milandu imo iingafya ukwishibikwa. Abantu limo tekuti bafwaye ubwafwilisho pantu abantu balatina ukukandwa kuli abo abalebabomfya nangu ukutiina ukulufya ifitupa fyabo ifyabwikashi muli cino calo.

Ifishibilo fyakuti umuntu aleshitishiwa kuti mwasngwa ilyo umuntu:

- alepatikishiwa, ukutinishiwa nangu ukupatikishiwa ukubomba;
- alebomba mumibombele iyabula ukulondoloka;
- Talelipilwa amalipilo yapa milimo yakwe nangu amoneka ukuti alelipila inkongole ku wamwingisha incito nangu umuntu umbi; nangu
- ifitupa fya kwendela nangu ifitupa fimbi nafisungwa no muntu umbi, elyo tekuti afikwate ilyo alefifwaya.

## Bushe imwe nangu umuntu umbi, ali mubusanso?

Ngacakuti imwebene, nangu umuntu umbi untu mwaishiba, ali mubusanso ubwakushitishiwa nangu ukusungwa mu busha kuti mwatumina ba Kapokola ba Calo ca Australia ba **Australian Federal Police** (AFP) pa **131 237** (131AFP) nangu kabiyeni pe **buula lyapa intaneti** pa **www.afp.gov.au** pakuti mufwayepo ubwafwilisho. Ba AFP kuti ba misunga bwino, ukumipandako amano elyo nokumituma ku tubungwe tumbi utwingamipelako ubwafwilisho, pamo nga umwakwikala, indalama, bumpanda mano elyo nobwafwilisho bwa milandu ne mikalile ya mucalo cino.

Akabungwe akatungilila abantu abashitishiwa (**Support for Trafficked People Program**) kabungwe akatungililwa no buteko nokubombelwapo naba Australian Red Cross mukupelako ubwafwilisho ku bantu abashitishiwa nokusungwa mu busha.

## Mwalibako utubungwe utwalekenalekana mu calo ca Australia utwingamyafwilisha.

**1800RESPECT** kabungwe kamu calo ca Australia akabombela mukupanda amano mu milandu ya kulungana nabantu ku maka elyo no bunkalwe no mutitikisha mu mayanda (Australia's national sexual assault, family and domestic violence counselling service). Aka kabungwe kalapelako ilyashi lya bumpanda mano ilya lutu kabili ilya nkama pali lanya elyo napa intaneti. Ba mpandamano bakomfwa kuli fintu mulelanda, ukwasuka amepusho yenu elyo nokumituma kumbi uko mwingasanga ubwafwilisho mu ncende yenu.

Tumeni lanya pali **1800 737 732** nangu kabiyeni pe **bula lyapa intaneti** ilyaba **1800RESPECT** pa **www.1800RESPECT.org.au**.

## Bushe mulekabila uwakumipilibwilako icitundu?

Tumineni akabungwe ka Kupilibula no Kwalula Ifitundu [**Translating and Interpreting Service (TIS)**] pa **131 450**. Bakapilibula wa fitundu ukufuma ku TIS kuti bamyafwilishako ukupilibula ifitundu lelo tekuti babombele kuli bumpanda mano. Ukutuma kwa lanya konse kwa lutu kabili ukwa nkama.

## Ilyashi limbi pa mulandu wa kushitisha kwa bantu no kusunga mubusha mu calo ca Australia:

Nga mulefwaya ukwishibilapo nafimbi pali ba Support for Trafficked People Program kabiyeni pe buula lyapa intaneti ilya Ciputulwa Icilolesha pa Milimo ya Bwafwilisho ica Department of Social Services pa **www.dss.gov.au** nangu pe buula lyapa intaneti ilya ciputulwa ca Australian Red Cross pa **www.redcross.org.au**. Kutu mwatuma inkalata yapa intaneti kuli ba Australian Red Cross pa **national\_stpp@redcross.org.au**.

Ngamulefwaya ilyashi nalimbi pa mulandu wa kushitisha kwa bantu no kusunga mubusha kabiyeni pe buula lyapa intaneti ilya Ciputulwa Icilolesha pafya Mukati ka Calo ica Department of Home Affairs pa **www.homeaffairs.gov.au** nangu pe buula lyapa intaneti ilyaba Australian Federal Police pa **www.afp.gov.au** nangu mufwayefye ifilembo ifyakutila "Ukushitisha kwa bantu" ("human trafficking").